

ادبیات کمونیستی

هفته‌ای سیاسی، علمی و ادبی غزته در

جلد : ۲

سنه : ۲ ۲۲ صفر ۱۳۳۶ جمعه ایرتسی ۸ کانون اول ۱۹۱۷ نومرو ۱۴ — ۴۵

اجمال افکار

[بولشویک افکار و عالم افکار ترتیب سرور و طبع یا کاشفکاری —

بایم، ایتک، ایتک مصدری .

روسیه ده عظیم و آلم بر اختلال و انقلاب اولیور . بونی ساده‌جه بر « وقعه سیاسی » عد
ایدنلر هر حالده یا کیلیرلر . خایر ! [بولشویک] لرك خروج و عصیان منحصراً بر پولیتیکه جلوه‌سی،
بر فرقہ‌نك دیکرینی بیقمه‌سی دکلدن . بونك فکر و نظریه‌یه ده تعلقی وار . بو انقلابده ، واقعا ،
طوغریدن طوغری به سائق، حرب و آنك تولید ایتدیکی نوعانوع و کونا کون محرومیتلر، ضرورتلردن .
لکن برده طولانیسیله ، بطی ، حتی تحت‌التراب سائق واردر که اوده ، الحق و لاشك ، روسیه‌ده
بر عصردن بری حاصل و حادث اولان ذهنیت - دوقتور عیداه جودتک بولدینی کوزل بر کله
موجبجه - « قفا » در .

روسیه استبدادك اوز وطنی ایدی . دولت ، غیر طبیعی ، قرون وسطائی و آسیائی بر شکلده
قورولشدی . ماهیتی فتح و استیلادن بشقه بر شی دکلدی . مجبوراتدن اولدینی اوزره بو ماهیتده
اولان هیأتك حیاتی آنجق استیلالری ابله دائم و قائمدر . دور استیلا هر نه صورتله اولورسه
اولسون - بر کره قاباندقدن صکره هنگام انحطاط یواش یواش ویا عجالتله باشلايه بیلیر . ایشته ،
موسقوف دیارنده درشت ، خشین اداره اصوللری تطبیق ایتک لازم کلیردی که بو قوص قوجه
« انیه‌زیئالیزم » یا شایه بیلسون . بناء علیه استبداد و مطلقیت، بیوک برهنر و مهارتله روسیه‌ده تطبیق
اولنیوردی . یالکیز بو استبداد هر وقت کیفی دکلدی . بعضاده عادل و عاقل شکلنی آلیوردی .
ایشته ، بو اداره ، داخلده بر عکس‌العملی موجب اولدی . هر ستمیده‌نك، هر حراندیشك
حسیاتی غلیانه کلنیوردی . فکرلر افراطه اوغرادی . الکفیزیل سوسیالیستلر، الک‌آرغین [آنارشیتلر]،

ملتینک مقدراتی بتون بتون آیرلایغندن و مجارستانده بر تعصب ملی حاصل اولدیغندن محار اولیانلر فوق العاده فنا کورلش و تورانی قرداش اولان ترک خیلی سهولشدور .

مجارلر پک مستعد بر قوم اولقله برابر آلمانلره نسبتله بر درجه کیردرلر . آنلر قدرده چالشقان دکلددرلر . لسانلری - خصوصیه ترکیب نحوی اعتباریه - ترکیهیه بکزه . کلمات اصلیه بی محافظه ایه اساسی اک آز محتل اولان لسان مجارجه در . [مجار] ، مجارجه ، [ماغار] شکننده تلفظ اولنور . مجارستانه [ماغارورصاغ] Magyar - Orszag دینور . صرب سندینی محاربه سندن بوسنه نك سنة الحاقی اولان [۱۹۰۸] . قدر هر ایکی دولتک تاریخنده مشترک صحائف واردور .

مهول نوری

هفتلی یارمچ حرب و سیاست

[۲۸ تشرین ثانی ۱۹۱۷]

بو هفته ، بشریت ایچون بر آفت عظمی ماهیتنی آلان حرب عمومینک عن قریب نہایت بولاجخه دائر حادثات و أماراتله دولیدور . کچن نسخه خورده بحث ایتدی کمز روسیه نك متارکه و صلح تکلیفی تأید ایتدی .

(بولشهویکی) لرك (اهالی قومیسرلری مجلسی) عنوانی طاشیان قابینه سی طرفندن متارکه امرینی اصغا ایتمه بن جنرال (دوخونین) یرینه باش قوماندان تعیین ایدیلن کوچوک ضابط (قیریه تقو) نك امریه ، روس اوردولری قوماندانلری قارشیلرنده کی آلمان و آوستریا اوردولریله بالندا کره درحال متارکه عقد ایتدیلر و آیک ۲۸ ندن اعتباراً قاره دکزدن بالطفه قدر اولان جبهه ده سلاحلر ترک ایدلدی . متعاقباً روسیه بوتون دول مخاصمهیه خطاباً تلسز تلفرافله بر صلح بیاننامه سی نشر و تبلیغ ایتدی . بیطرف دولتلره ده تبلیغ ایدیلن بو صلح بیاننامه سنده ، روسیه حکومتی درحال یعنی ۱ کانون اول تاریخنه قدر صلح مذاکراته باشلاناسنی حکومتلره ، اوردولره ، بورژوازییه و اهالی و عملهیه تکلیف ایدیور ، واکر متفقلری بونی قبول ایتزلرسه کندیسنک مذاکراته کیریشه ره ک سربع بر صلح عقد ایده جکتی بیلدیریوردی .

بو بیاننامه اتفاق صربع دولتلری طرفندن تلقی بالقبول ایدلدی . آلمانیا باش وکیلی پیرسیاست قونت (هرتلینخ) کرک مسائل داخلیهیه و کرک مسائل خارجیهیه دائر ایراد ایتدیکی نطقده آلمانیا نك مذاکراته کیریشمکه مع الامنونه آماده اولدیغنی سویله دیکی کی ، خارجیه ناظری فون (کولمان) ده دیگر بر نطقده بونی تأیید ایتدی . آوستریا باش وکیلی ده بو طرزده بیاناتده بولوندی ، کذلک بولغارستان باش وکیلی ده صوبرانیه ده عین مالی تکرار لایه رق دوبریجه ، موراوا و ماکدونیا کی یرلرک بولغارستانه الحاقیه بولغار اتحادی موقع فعله جیقارلق اساسنه مستند بر صلحه آماده اولدیغنی سویله دی .

متعاقباً، مجلس مبعوثان عثمانینك آيك اوچنه مصادف جلسه سنده خارجيه ناظري احمد نسیمی بك، روس حكومتی طرفندن (له نین) و (تروجکی) امضالریله همان مذاكرات صلاحیه به ابتدار ایدلسی تكلیفی او كنده بولونیلاروق؛ كرك متاركة عمومیه به و كرك صلح مذاكراته حاضر اولدیغیزی بیلدیردیكمزی سویله دی. و چارلك فتوحانجویانه سیاستنی رده، خفی معاهده لری متفرانه نشرایله بن و بوضورتیه حیثیت واستقلال و تمامیت ملكیه منزه رعایتكار اولوق ایسته بن روس حكومتیه متاركة و مصالحه مذاكراته كیریشه منزه بر مانع اولادیغنی و صرخصلریمك تعین اولوندیغنی بیان ایتدی. متعاقباً مبعوث صلاح جیمجوز بك سوز آلاروق «هرچه باد آد» بر صالح عقدی طلبنده بولوندیغندن، آیدین مبعوثی ولی بك، وحدت واستقلال ملیمزه خلل كلمه مك، دشمن پای استیلاسی آلتنده کی اقسام ممالكمن تخلص ایدلك شرطیه صلح ایده بیا جكمزی مبین وطنپورانه بر نطق سویله دی. بعض مبعوثلر دها سوز آلدی. خارجیه ناظری نسیمی بك، متفقریمزله آرا منزه کی تساندك قوتندن بحث ایله حكومتك وظیفه سیاسیه و مسئولیتنی مدرك بولوندیغنی افاده و مجلسی تأمین ایتدی. شیمیدین برلین، ویانه، صوفیه و استانبول ایله پترسبورغ آراسنده تلسز تلغرافله مذاكرات باشلادیغنی کی، طرفین صلح صرخصلری ده تعین اولومشدر. هنوز متاركة نك نه کی شرائطه مستند اولدیغنی بیلیمه یورسه قده، صلحك سریعاً انعقادی آرزو ایدلیدیكنه و طرفینجه بویولده چالشیه روق سریع بر صالح تأمین ایدیله جكنه نظراً اوجهت و وقدر حائر اهمیت دكلدر.

صلح شرائطنه كنجه: طرفینك الحاقسز و تضمیناتسز بر صلح عد ایده جکی مختلف بیاناتدن آكلاشیلیور. لهستان، قورلاندا و لیتوانیانك استقلال و یا مختاریتلری آلمانیا و اوستریا طرفندن التزام ایدلیمده و روسیه ده (بولشهویك) لر طرفندن ذاتاً بوملكتلدن باشقه، فلاندا، اوقرانیا، قفقاسیه کی مملكتلره الیوم فعلاً مختاریت و نیم استقلال ویرلمكده اولدیغندن بوجهتلدن آكلاشیلمش دیمكدر. كذلك (بولشهویك) حكومتی امور داخلیه منه و اوستریا و تورکیاده بعض مختاریتار طلبنده اصراره متمایل دكلدر. شو حالده اساسلرده آكلاشیلمش در و صلح مذاكراتی اوزامایه جقدر ظن ایده رز.

*
**

✿ صلح مسئله سی مواجهه سنده اتلافیلرك حالی بك فنادر. اولا رومانیا کلیور. بوملكت روسیه ایله تشریک طالع ایتش اولدیغندن اعظمی ۲۰ بیك كشی تخمین ایتدیكمز رومن اوردوسی - آرقه سنی روسیه به ویرمش و بوتون ارزاق و مهماتی اوزادن آلقده بولومش اولدیغنی جهته - متاركة و مصالحه به مجبوردر. نیته کیم تلغرافلرده رومانیاك بو حال افراد و آلتینی متفقرینه عرض ایله ناچار روسیه بی تعقیب ایده جكنی بیلدیردیكنی سویله یورلر.

چونكه روسیه عسکرلرینی حدوددن چكیمه و برقاق صنفی متعاقباً ترخیصه باشلامشدر. آرتق رومن اوردوسی متفقریمز ایچون بر لوقه دیمكدر.

✿ رومن اوردوسنك متاركة و ترخیصندن متولد تأثیرات غرب جبهه سنده کی مؤتلفلره عمیق و بك عیان اضطرابلر ویریور. شو كونلرده پارسده طویلانان و (قله مانسو) نك حریمجویانه بر نطقیه آجیلان قونفرانسه كنندیلرینی اك زیاده اشغال ایده ن جهت شبهه سز، شرق جبهه سنده کی آلمان قواسنك غربیه نقلی تهلكه سیدر. بوكونلرده یالکیز ایتالیا و فرانسه دن دكل، حتی انكلتیره دن بیا استمداد ندالری کلیور. هب آمریقای بکله یورلر. آمریقانك سرعتله میلیونلرجه طونلق سفاش

انشا ایتھ سندن، بر ایکی میلیون اوق اوردولرینی آوروپایہ کوندرمہ سندن باشقہ چارہ بولونمادینی رسمی، غیر رسمی سویلہ نیور۔

فقط بوایشلری باشہ چیقارمہ نك مشکلاتی ونه قدر زمان ایستہ دیکنی دوشونمہ ك بیله، بوقدر کنج بر آمریقان اوردوسنك، اونلرك وضعیت وخیمہ لری اوزرنده، مؤثر اولوب اولمادیغنی بحق تردده قارشیلارز۔

✽ ائتلافك وضعیتنی، حتی کندی افکار عمومیہ لری نزدندہ بیله، برباد ایدن برجهت، وثائق خفیہ نك نشریدر۔ (بولشہ ویک) لرك شایان تقدیر برعزم ومتانت فکریہ ایله نشر ایتدکاری بونماقده ائتلاف دولترینك تورکیا، آوستریا، آلمانیا حقندہ کی املاری، ایتالیا، فرانسیہ، انگلترہ، روسیہ، یونانستانہ آناتولی و آطہلر و آلساس۔ لورہ ندن نہ لرھدیہ ایتدکاری اوقونوب کورولور۔ آرتق بوندن بویله اولسون، ائتلاف کندیسنك «حریت اقوامہ مستندنجیانه» حرب غایہ لرندن بحث ایدہ مز۔

✽ ائتلافی سرنکون ایدن برجهت دہ، اندہ صاحب کبی برمائدہ حیات بخشا ایله اورتایہ چیقان (بولشہ ویک) لرك حکومتك کوندن کونہ قوتلہ نمہ سیدر۔ واقعا صوک خبرلده (لہ نین) ك استعفا ایله (بولشہ ویک) و (میشہ ویک) لرك ایله اختلاجی سوسیالیستلردن مرکب بر قابینہ تشکل ایتدیکی بیلدیریلیورسہ دہ، بوصرف شکل اعتباریلہ در، روسیہ نك صلح سیاستنہ مؤثر اولاماز۔ (بولشہ ویک) لرك مملکتدہ نہ درجہ قوتلی اولدقلری صوک کونلردہ مجلس مؤسسان انتخاباتندہ اکثریتی قازانمش اولمانلردن بوتون اوردو ایله مملکتك اکثر نواحیسی کندیلرینہ اتحاق ایلامہ لرندن آکلاشیلقدہ در۔

✽ ائتلافك وضعیت وخیمہ سنہ و روسیہ بی قورو بر پروتستودن باشقہ برشی یاپہ مامسنہ قارشی، روسیہ نك دہ اونلری تہدید ایدہ جك کوزمل وساططی وار۔ فرانسیہ نك ۳۰ میلیار، انگلترہ و آمریقا و بلجیقا نك دہ ینہ میلیارلر درجہ سندنہ روسیہ دہ بولونان سرمایہ لری نہ اولہ جق؟ بونی دوشونمك بیله ائتلاف محافلندہ اعصابی برباد ایدیور۔

✽ حال بوکہ صوک کونلردہ انتشار ایدن اسبق انگلیز خارجہ ناظری لورد (لانسداون) ك بر مکتوبندہ اودرجہ متواضع، معتدل وملایم سوزلر سویلہ نمکدہ درکہ پك متعظمانہ حرب غایہ لری تعقیب ایدن (لوئید جورج) قابینہ سنہ بونلر بررطاشدر۔ نتیجہ کیم رسمی بر صورتدہ مکتوب تقبیح اولونمشدر، فرحالندہ فرانسدہ و انگلترہ دہ کی احوال روحیہ و فرانسدہ بر جوق سیاسی توقیفلر وقوعنہ نظراً، اورالردہ دہ بویوک وقایع حاضر لاندیغنه حکم ایدہ بیلیرز۔ بوتون ائتلاف ارکانی یا صلحہ کردندادہ اولقی، یاخود سراپا ترتیباتلرینی یکیدن یایمقی مجبوریتندہ بولنیور۔

* *

وضعیت عسکریہ دہ، آلمانلرك (قامبرہ) جوارندہ انگلیز هجوملرینی رد ایتہ لری و حتی بر مقابل تعرضلہ بر مقدار اراضی و بیك انگلیز اسیر ایتہ لری استثنایا ایدیلیرسہ، یکی برشی بوقدر۔ بوتون جہہ لردہ سکون واردر۔

بزم سینا جہہ سندنہ طرفزدن اجزاقلنان حرکات قدس جنوبندہ انگلیز لرك ہزیمتیلہ موقیعتلہ ایلریلہ یور۔